



NVE

Adresseinformasjon fylles inn ved ekspedering. Se mottakerliste nedenfor.

Vår dato: 09.05.2025

Vår ref.: 202502924-2 Oppgi ved kontakt

Dykkar ref.:

Sakshandsamar:

Anders Kvaløy Olsen

ako@nve.no

Høyring av søknad om konsesjon for vassuttak og regulering av Kvitebergsvatnet i Kvinnherad kommune i Vestland fylke

NVE har motteke ein søknad frå Alsaker Fjordbruk AS datert 22.1.2025, om løyve til uttak av vatn og regulering av Kvitebergsvatnet i Kvinnherad kommune. Søknaden med vedlegg er lagt ut på www.nve.no/9653/V og den blir kunngjort av NVE i avisa Kvinnheringen. Dersom du ønskjer papirutgåve av søknaden kan du ta kontakt med Kristian Råsberg på tlf. 53 43 01 09 eller e-post: kristian.rasberg@fjordbruk.no

Kva søknaden gjeld

Alsaker Fjordbruk AS søkjer etter vassressurslovas § 8 om løyve til vassuttak frå Kvitebergsvatnet for sitt settefiskanlegg Ølve Bruk AS i Ølve i Kvinnherad. Vatnet skal brukast til produksjon av 30 000 tonn settefisk i nytt anlegg i Hyttevågen.

Gjeldande vassdragskonsesjon for oppdemming og regulering av Kvitebergsvatnet datert 09.06 2016 er utgått, og det vert søkt om same regulering, uttak av vatn og slepp av minstevassføring som i tidlegare løyve.

Alsaker Fjordbruk søkjer no om løyve å ta ut i gjennomsnitt 270 l/s, og regulering av Kvitebergsvatnet mellom kote 9,5 (HRV) og kote 7,9 (LRV). Det vert søkt om slepp av minstevassføring på 70 l/s.

Kva gjer du viss du ønskjer å uttale deg?

Alle som har ei meining om saka, kan sende ein uttale på éin av følgjande måtar:

- via skjema for uttalar, som de finn på www.nve.no/9653/V
- via e-post til uttalelse@nve.no «Høyringsuttale **202502924**», og skriv namn og organisasjonsnummer i innleiinga viss du representerer ei verksemd)

E-post: nve@nve.no, Postboks 5091, Majorstuen, 0301 OSLO, Telefon: 22 95 95 95, Internett:

www.nve.no

Org.nr.: NO 970 205 039 MVA Bankkonto: 7694 05 08971



NVE

Norges vassdrags-
og energidirektorat

- via brev til NVE, Postboks 5091, Majorstuen, 0301 OSLO

Frist for uttale er **27.6.2025**.

Uttalen eller deler av uttalen vil bli referert i eit endeleg vedtak. Dersom uttalen dykkar er lang, er det difor ein fordel om de lagar eit samandrag som kan brukast til dette.

Kva ønskjer vi innspel om?

Vi ønskjer grunngjevne synspunkt på om planane bør gjennomførast, ev. val av alternativ eller forslag til avgrensingar i planane. Vi ønskjer også forslag til avbøtande tiltak som kan redusere skadane ved gjennomføring av planane.

Vi ber kommunen informere om kjente allmenne interesser som kan bli påverka av tiltaket. Dette kan vere friluftslivsinteresser, kulturminne, verdifulle naturtypar, raudlista artar og informasjon om vilt. Det er også av interesse for oss å få informasjon om planstatus, status i forhold til vassforskrifta, eksisterande vassuttak eller andre aktivitetar i vassdraget osv.

Vi ber Statsforvaltaren og fylkeskommunen om å vurdere om kjente allmenne interesser kan bli påverka, og i tillegg vurdere tiltaket opp mot sitt sektoransvar.

Informasjon om saksbehandlinga

Søknaden skal behandlast etter reglane i kapittel 3 i vassressurslova og gjeld løyve etter vassressurslova § 8.

Etter at høyringsfristen er ute får søkar anledning til å kommentere innkomne høyringsuttalar, før NVE vanlegvis gjennomfører synfaring i området. Alle som har sendt inn uttale vil bli invitert med på synfaringa.

Søknaden, synfaringa og innkomne uttalar er eit viktig grunnlag for NVE si vurdering. NVE fattar vedtak i saka etter kriteriet i vassressurslova § 25, som er at fordelane må vere større enn ulempene for at vi skal kunne gje løyve. I den samla vurderinga står NVE fritt til å vurdere om løyve skal gjevast og i kva utstrekning. Eit vedtak blir alltid grunngjeve.

Dersom NVE gjev løyve/konsesjon, kan det vere knytt vilkår til denne, jf. vassressurslova § 26.

NVE sitt vedtak kan klagast på til Energidepartementet innan tre veker frå det tidspunktet det er komme fram til parten. Retten til å klage avgrensar seg til dei som har klagerett.

Med helsing

Gry Berg
seksjonssjef

Anders Kvaløy Olsen
seniorrådgjevar

Dokumentet vert sendt utan underskrift. Det er godkjent i henhold til interne rutinar.



NVE

Norges vassdrags-
og energidirektorat

Mottakarliste:

KVINNHERAD KOMMUNE
FORUM FOR NATUR OG FRILUFTSLIV HORDALAND
STATSFORVALTAREN I VESTLAND
VESTLAND FYLKESKOMMUNE

Kopimottakarliste:

Alsaker Fjordbruk AS